



珍珠囊指掌補遺藥性賦卷之三

東垣李杲明之編輯

吳門王子接晉三重訂

玉石部

藥能治病醫乃傳方當明藥品貴賤良毒之異須嘗氣味酸鹹  
苦辣辛甘

切以金銀珠玉之貴白堊石灰之賤藥性之良則丹砂鍾乳  
氣毒則信石礪砂至於五味酸入肝鹹入腎苦入心辛入肺  
甘入脾辣則有溫涼寒熱之異  
功力有急緩性職有溫涼

其如朴硝之性急若煎作芒硝性乃緩慢矣

本草之作肇始炎皇

卷三 玉石部

肇卽始也炎皇神農氏也本草之爲書由神農嘗百草一日而遭七十毒始興醫藥相救謂之本草

未言草木之品彙且提玉石之紀綱

倣本草圖經以玉石部爲先而草木之品次之

金屑玉屑辰砂石床能驅邪而通鬼神崇可定魄而制顛狂止渴除煩安鎮靈臺明眼目補精益氣依經鍊服壽延長金屑味辛平有毒處處有之梁益寧州最多出水砂中得屑謂之生金有不鍊服之殺人玉屑味甘平無毒生藍田丹砂一名硃砂味甘微寒無毒唯辰州者最佳故謂之辰砂生深山石崖間穴地數十尺始見其苗乃白石耳謂之硃砂床卽石床也砂生石床上亦有淘土石中得之非生於石者又按本草石床自有本條味甘溫無毒謂鐘乳水下凝積生如筍狀漸長

久與上乳相接爲柱出鐘乳堂中謂之石床人心謂之靈臺  
金屑玉屑辰砂石床四品之性主治相同皆可依圖經法鍊  
服食則延年不老

生銀屑鎮驚安五臟鍾乳粉補虛而助陽

銀屑味辛平有毒生銀屑當取見成銀箔以水銀炒之爲泥  
合硝石及鹽研爲粉燒出水銀淘盡鹽石爲粉用之○  
石鍾乳味甘溫無毒道州者佳須帶虛之不狀使人渴淋治  
咳嗽行乳道補髓添精強陽益肺家

代赭石能墮胎而可攻崩漏伏龍肝治產難而吐血尤良代赭  
石用火煨醋淬七遍研水飛味甘寒無毒出代州其色赤故  
名代赭石養血氣強精辟邪畏天雄附子○伏龍肝炷中土  
也味辛溫微毒消癰腫催生下胞止血崩

雲母補勞傷兼明目水銀除疥蝨與瘡瘍

雲母石味甘平無毒安五臟堅肌止痢局方有法煎雲母膏

治癰疽惡毒等瘡○水銀即硃砂液能消化金銀使成泥味

辛寒有毒一名永畏磁石難產可用催生

治風喉理鼻息功全礬石止漏下破癥結用禹餘糧

礬石味酸寒無毒出晉州者佳化痰止痢攻陰蝕諸瘡漏煨

過謂之結礬亦可生用○禹餘糧火煨酸淬七次搗細水飛

味甘寒平無毒出潞州形如鷓鴣卵外有殼重疊者是其中

有黃細末如蒲黃者謂之石中黃

朴硝開積聚化停痰煎作芒硝功却緩硝石止煩燥除熱毒煉

之須掃地邊霜

朴硝味苦辛大寒無毒生益州初採掃得一煎而成故曰朴

硝再取朴硝淋汁煉之有細芒者謂之芒硝專治傷寒硝石  
味辛苦寒无毒卽掃地霜淋汁煉成者

打破瞳神得空青而依然復舊胎空乏孕紫石英有再弄之璋  
空青味甘酸寒无毒生於有銅處銅精氣熏則生今信州時  
有之其腹中空破之有漿者絕難得大者如雞子小者如豆  
子治眼翳障爲最要又有曾青銅出處色理亦無異俾其彩  
巖疊連珠相綴其中不空與空青功效不相上下○紫石英  
味甘辛温无毒專治女子風寒在子宮絕孕十年無子又有  
白石英治風濕痺安魂魄強陰道黃赤黑色皆不入藥  
熱渴救求寒水石壯陽須索石硫黃

寒水石一名凝水石味甘寒无毒出汾州及邯鄲卽鹽之精  
也治火燒丹毒能解巴豆毒畏地榆○硫黃味酸

雷公藥性賦卷三  
土温大熱有毒出唐州治疥虫蠶瘡堅筋療老人風秘

腎臟既衰煨磁石而強陽道膀胱不利炒食搗以熨臍傍磁石  
味辛鹹寒無毒有鉄處則生惡牡丹皮畏黃石脂能吸鉄補  
益勞傷兼治耳聾食塩味鹹温無毒解州者勝治霍亂痰  
癖可用吐之

水銀飛煉成輕粉殺諸疥癬善治兒疔石灰風化方爲勝不堪  
服食可療金瘡

輕粉卽水銀粉味辛冷無毒畏磁石忌一切血○五月五日  
採百草搗汁調煨過石灰末作團陰乾專治金瘡刀斧傷處  
不堪入藥

石膏發汗解肌去風寒熱滑石除煩止渴快利小腸石膏味甘  
辛大寒無毒與方解石相類須用細理白澤者真治頭疼解

肌發汗黃色者服之使人淋○滑石味甘寒无毒用白色軟嫩者佳能益精除熱療女人產難

殺三蟲破癥結胡粉一名爲粉錫斂金瘡淘眼暗銅青銅綠竟無雙

胡粉一名粉錫一名定粉俗名光粉卽今化鉛所作婦人容面者味辛寒无毒○銅青銅綠以醋沃銅上卽生乃銅之精華也微有毒不可入藥

吐痰抵痔蜜陀僧兼抹黥斑隨手沒生肌止痛無名異折傷可理并金傷

蜜陀僧卽銀銀爐底也味酸辛有毒○無名異味甘平无毒金傷謂刀斧傷也

礪砂攻喉痺止嗽消痰直有理膽礬除執毒諸癰痰氣盡消詳



礪砂一名蓬砂味苦辛煖無毒出南番者色重褐其味和其效速出西戎者其色白其味雜其功緩不堪入藥作金銀錁藥用之○膽礬圖經作石膽味酸辛寒有毒信州有之生於銅坑中採得煎煉而成消熱毒療諸風癱瘓可吐風痰伏火靈砂辟鬼邪安魂魄明目鎮心通血脈藏泥白堊除洩痢破癥瘕瀝精止漏又為良

靈砂一名二氣砂用水銀一兩硫黃六銖研細二味先同炒作青砂頭後入水火既濟爐中抽之如束針紋者成就也惡磁石畏酸水○白堊即善土味苦辛温无毒處處有之採無時

石熱治淋催難產黑鉛安鎮熨蛇磨

石燕產零陵州形似蚶其實石也性涼无毒女人產難兩手

各握一枚胎立出○黑鉛味甘无毒有銀坑處皆有粉錫胡

粉光粉皆化鉛所作又鉛白霜以鉛雜水銀煉作片置醋釀

中密封經久成霜謂之鉛白霜性極冷剝傷也剝平聲與瘡同

黃丹乃是熬鉛作生肌止痛礬石特生非常熱養就丹房黃丹

圖經作鉛丹又名號丹用時炒令赤色研細味辛微温无毒

止吐逆療癩癩傅金瘡良○礬石俗呼鎮風石味辛甘大熱

有毒嚴寒置水中令水不水性堅硬而拒火燒之一日夜方

解散攻擊積聚痼冷之病最良須真者必取鶴巢中團卵而

助煖氣者方真乃修真煉丹之藥品

血暈昏迷法鍊廣生花藥石折傷排膿火燒醋淬自然銅花藥

石出陝州闡鄉縣性至堅硬保金瘡止血局方以硫黃合和

花藥石如法鍊成專治產後血暈去惡血○自然銅味辛平

無毒出銅處有之形方而大小不等似銅寶石也不從礦煉自然而生故曰自然銅也

礪砂能破癥瘕積聚若還生用爛心腸信石可吐膈內風痰倘中其毒促人亡

礪砂味鹹苦辛温有毒能消五金入白腐人腸胃生服之化人心為血○信石圖經名砒霜信州者佳故名信石味苦酸有大毒主諸瘧風痰在胸膈可作吐藥用不宜多服能傷人命若誤中礪砂砒霜二毒急宜冷水調棗豆汁飲之可解

神方  
梁上塵消軟癰通喉噎橫生立產井泉石性寒涼攻火熱除翳

梁上塵一名烏龍尾性微寒无毒凡使須去烟火遠高堂佛殿上者拂下篩而用之●井泉石性大寒無毒處處有之以

饒陽郡者爲勝得菊花梔子最良

勻瘡冷止頭疼无遺太陰立精石安心志制癲狂誰知鉄粉和鉄漿

立精石出解州解縣今解地積塩倉中方有之其色青白龜背者良味鹹温无毒○鉄味甘无毒取鉄浸之經久色青沫出可染皂者爲鉄漿治癲狂鉄拍作片段置醋糟中積久生衣刮取爲胤鉄粉能安心志

雄黃能殺虺蛇毒妊娠佩帶轉生男子鍊之久服自身輕要生女子佩帶雌黃

雄黃雌黃同山所生向陽處生雄黃山陰有金處金精熏則生雌黃婦人覺有孕以雄黃二兩絳囊盛帶之可轉女爲男以雌黃半兩素囊盛帶之可轉男爲女雌黃煉服久則輕身

可入仙家

備金石之品味治病得以推詳

總括上文諸藥悉可對證而施治也

草部上

觀夫天生烝民地生百草人生不无扎瘥之常以致病於壽天

草有治病之功用别花苗實腦

烝衆也實即子腦即根各有所宜也

菖蒲開心明目去濕痺風寒菊花消濕散痺風主頭眩痛攪

菖蒲一名昌陽須用生石磧上一寸九節者良味辛温无毒

○菊花味苦甘平无毒主胸中煩熱明目聰耳

治渴補虛安五臟快寬人參温中解毒性平和無如國老即甘草

人參一日人葭味甘微寒微寒无毒反藜蘆○甘草味甘平

藻  
无毒主解百毒爲衆藥之王故號國老反大戟芫花甘遂海

白朮益脾止瀉嘔若動氣不宜蒼朮平胃壓山嵐用米泔浸炒  
白朮味甘辛无毒主風寒濕痺益脾胃補虛勞消腫傷寒有  
動氣者不宜服○蒼朮深米泔浸一宿換泔浸炒乾去皮味  
苦甘辛無毒治傷寒痺痛温瘧可發散

生地黃能行血兼止吐衄折傷熱地黃能補血更治虛勞焦躁  
生地黃大寒亦治產後血攻心及女人經水閉絕●熱地黃  
淨洗酒浸蒸兩三次焙乾味甘苦温无毒熟乾則温補生乾  
則平宣熟者止崩漏安魂魄治驚悸補內傷

天門冬鎮心止吐血衄血性寒而能補大虛麥門冬解渴開結  
益心腸勞熱可除煩可保

天門冬味苦甘平大寒無毒悅人顏色○麥門冬味甘平微寒無毒二味並抽去心焙乾用

地膚子車前子除熱去風明眼目能使膀胱水穀分兔絲子巴戟天添精補髓主延年解去腰疼誠有效

地膚子卽落帚子味苦寒無毒○車前子味甘鹹寒無毒能滑胎止瀉痢○兔絲子味辛平無毒水洗澄去砂土酒浸一宿蒸過乘熱搗成膏焙乾再入藥方可研末○巴戟天須連珠者去心酒浸焙乾味辛甘微溫無毒除風強筋益力治夢與鬼交

牛膝補虛攣膝痛月經若閉亦能通柴胡去熱治勞傷上療傷寒功力到

牛膝爲君味苦酸平無毒○柴胡味苦平辛微寒無毒治濕

痺拘攣可用煎湯浴之下氣消痰止渴傷寒爲要藥

草決明瀉肝熱明目驅風兼鼻淵草龍膽益肝虛驚惕无憂疔

虫掃

草決明味鹹苦甘平微寒无毒草龍膽味苦寒无毒益肝明

目最治疔

菴蒿子性苦寒風寒濕痺水皆寬茵陳蒿性苦冷時氣發黃淋

可導

菴蒿處處有之味苦微寒无毒久服輕身明目●茵陳蒿味

苦平微寒无毒治淋難小便閉澇不通

遠志一名小草堪收夢裏遺精黃精俗字山姜人服延年不老

遠志要去骨以甘草湯浸煮炒乾味苦温无毒前名小草一

似麻黃但無節令人生知慧定心驚○黃精俗呼山姜爲味

本草部上



甘平无毒然與鈞吻相似但一善一惡要仔細辨認切勿誤用鈞吻則傷人至死故謂之鈞吻

北五味補虛下氣止嗽強筋南木香止痢健脾氣疼是寶五味子味酸甘鹹苦辛故名五味性温无毒止渴消酒毒○木香形如枯骨者佳不見火味辛温无毒去膀胱冷氣除癥瘕止瀉痢

金瘡止血王不留行是名剪金花風癰赤丹本草景天卽是慎火草

王不留行味苦平无毒可催生產利月經○景天味苦酸平无毒主勞煩大熱瘡女人漏下用花良

絡石治癰瘡消熱毒苗似龍鱗川芎醫頭痛主筋攣形如雀腦

絡石爲君卽石鱗又名龍鱗薜荔味苦温微寒无毒畏貝母

菖蒲○川芎一名川芎明目瘡家止痛味辛温无毒靡蕪卽其苗也白芷爲之使

金釵石斛解使元陽壯腰疼膝痛並皆驅鬼臉升麻能教百毒消癰疽瘰癧寧可披

石斛草味甘平无毒入腎壯陽平胃氣○升麻味苦平微寒无毒能解一切毒除濕去風爲傷寒時氣之要也

煙塵續斷安胎產燎金瘡速不可遲染絳茜根埋風寒止吐血須宜乎早

續斷味苦辛微寒无毒最能接骨因名續斷○茜根一作蒨卽今染絳茜根也味苦微寒解中蟲毒

虺床蛇床同一種治風濕癢及陰瘡羌活獨活本來同頭痛筋

攣風氣撓

虺床卽蛇床味苦辛甘平无毒○羌活獨活本同類但紫色而節密者爲羌活黃色而作塊者爲獨活味苦甘平微温无毒

細辛薯蕷能温中下氣仍主腦腰疼薏苡菱蕤治痺弱筋攣并風濕之悼

細辛味辛温无毒主拘攣風痺明目破癩治婦人血閉○薯蕷俗名山藥味甘温平无毒補心氣不足鎮心神○薏苡仁味甘寒无毒主肺氣肺癰○菱蕤葉似黃精味甘平无毒切勿悞用釣吻則傷人

止渴補虛收盜汗黃耆秦莫大之功消癰散腫有高能忍冬是至賤之草

黃耆味甘微温无毒主虛勞强筋治耳聾止痛排膿○忍冬

草卽鷺鷥藤又名金銀花其蔓左纏亦名左纏藤味甘温无  
毒今處處有之

澤瀉會除諸般瀉疝渴疏淋防風主治一切風仍蠲痛腦

澤瀉味甘寒无毒止洩精逐膀胱水多服令人眼病○防  
風味甘辛温无毒能解附子毒明目止汗療崩

蒺藜陰煎湯頭痛煎酒蒲黃行血用生止血用炒

蒺藜味苦辛温微寒无毒破血催生若風瘡陰瘡煎湯作浴  
頭痛煎酒服○蒲黃味甘平无毒生則味滑炒熟則味澀

菴菴扶女子陰絕與男子陽絕補精養腎生自馬精黃連理大  
人諸熱劫小兒疳熱止痢厚腸貴稱鷹爪

肉菴菴味甘酸鹹微寒无毒言是馬精落地所生生時似肉  
作羹補虛最佳○黃連味苦寒无毒點眼可除熱更治消中

口瘡良

漏蘆行乳汁消癰癧腸風丹參補胎氣利月經為吉

漏蘆味酸鹹寒無毒醫瘡瘍療眼理損傷續筋骨○丹參味

苦微寒無毒除積聚破癥瘕益氣去煩滿一名赤參

更分佐使君臣是口神聖功

望而知之謂神聞而知之謂聖問而知之謂功切而知之謂

巧望聞問切是謂醫家之四知

草部中

抑又聞芍藥苦平赤者破血通經而白者可安胎止痛辛姜大

熱生則嘔家聖藥而乾者除霍亂肚疼

芍藥為臣味苦酸平微寒有小毒惡石斛芒硝畏硝石反藜

蘆芍有赤白二種白者補虛止汗赤者除熱明目○姜為使

有生用有乾用乾者味辛温太熱无毒温中止血逐痺風濕  
生者味辛微温无毒處處有之用熱卽去皮用冷卽留皮發  
散傷寒下氣爲嘔家聖藥

葛根止渴解醒發散傷寒消熱毒瞿麥開通關格宜癰墮子更  
催生

葛根味甘寒无毒○瞿麥止川貫殼不用莖葉味苦寒无毒  
栝蒌曰天瓜實治乳癰根可止渴子卽葉耳子能明目葉解  
風纏

栝蒌根名天花粉味苦寒无毒卽瓜蒌○蒼耳味甘温有小  
毒今處處有之主痺痺濕風寒

玄參攻喉痛苦參攻腸風並可消痺破癥結貝母人面瘡知母  
潤心肺皆能止嗽理傷寒

白薇本消淋露更治風狂并除溫瘧白芷能除血崩而攻頭痛  
亦用排膿  
玄參卽山麻味苦鹹微寒無毒今處處有之除風濕明眼目  
○苦參味苦寒無毒殺疔以治瘡毒○貝母味辛苦平微寒  
無毒專治腿膝人面瘡及諸癰毒○知母味苦寒無毒除熱  
止渴

白薇本消淋露更治風狂并除溫瘧白芷能除血崩而攻頭痛  
亦用排膿

白薇味苦鹹平大寒無毒如蒸管者佳○白芷味辛溫無毒  
專治蛇咬研末搽咬處或搗汁浸傷處並效

當歸主血補虛勞止血用頭破血用尾麻黃發散攻頭痛發汗  
用葉止汗用根

當歸酒浸焙味苦辛溫無毒○麻黃味苦溫無毒

大薊功同小薊治癰腫血崩吐血小毒不如大毒療傷寒熱毒

時行

大薊小薊味甘温今處處有之○大青小青味苦大寒无毒  
處處有之古方只用大青

京三稜蓬莪朮破血消癥寧心脾腹痛白荳蔻萹澄茄温脾健  
胃能消食寬膨

三稜味苦平无毒○莪朮又曰莪茂味苦平温无毒○白荳  
蔻味辛大温○萹澄茄味辛温无毒

鬱金勝似姜黃行經下氣川芎貴乎藁本頭痛皆痊

鬱金須用蜀中如蟬肚者佳味苦辛寒无毒姜黃說見下文  
○川芎解見草部上芎藭下○藁本俗曰土芎味辛微温寒  
无毒主風入四肢畏青緒子

前胡柴胡功无優劣通醫熱病主療傷寒



前胡味苦微寒無毒下氣消痰推陳致新安胎止嗽○柴胡

見草部上

姜黃烈似鬱金功下氣消癰通經破血草撥味如良姜辣轉筋

霍亂心痛連顛顛即頭

姜黃處處有之味辛苦大寒無毒鬱金解見前○草撥味辛

大寒無毒溫中下氣○高良姜味辛溫大熱無毒

剪草入金瘡之氣王瓜導乳汁之泉

剪草味苦平無毒婺州產者最良根名白藥治金瘡古方以

剪草末蜜和九蒸九晒成膏可醫一切失血○王瓜一名落

鴉瓜一名土瓜結子如彈丸生青熟亦可噉聞俗謂之毛桃

其根止渴散癰除疽消癥下血

通草元來即木通治淋退疽蠶貫一名馬蘭子去濕醫崩通草

味辛甘平无毒除寒熱出音聲治耳聾。馬藺子味甘平温  
无毒去風寒濕痺

百合寧心可欬痰有血秦芫治疽時勞熱猶能

百合味甘平无毒除熱欬攻發背瘡癰消脹利大小便。秦  
芫味苦平微温无毒消浮腫利小便

黃芩解熱通淋女子崩因熱者紫苑化痰定喘咳嗽吐有紅痰  
黃芩味苦平大寒无毒治黃疸止痢女子血崩本性熱者用  
良虛寒者不可用。紫苑味甘苦辛温无毒補虛止渴安五  
臟通結氣滯胸中紅涎痰中有血膿也

澤蘭行損傷之血紫草制痘疹之偏

澤蘭味苦甘微温无毒消四肢浮腫攻癰腫排膿紫草味苦  
寒无毒通九竅退腫通淋

石韋透膀胱之便防已治風熱拘攣

石韋味苦甘平无毒去熱除邪臨用刷去尾不然令人咳嗽

不已●防已味辛苦平温无毒治水腫風腫退產止嗽

肉豆蔻補脾治痢猶調冷瀉欬冬花洗肝明目勞嗽宜遵肉豆

蔻用麩裏煨熟味辛温无毒解酒消食調中兼治霍亂 欬

冬花味辛甘温无毒定喘消痰

淫羊藿即仙靈脾補腎虚興陽絕不起補骨脂名破故紙扶腎

冷絕夢洩精殘

淫羊藿味辛寒无毒主治冷風勞氣●補骨脂味辛大温无

毒主血氣勞傷

禁鷲熱殺疳虫蘆薈俗呼為象胆解風纏宣痘疹牛蒡元來號

鼠黏

蘆薈味苦寒无毒以其味苦故名象膽主癩瘡瘡痔●牛蒡  
一名惡實又名鼠黏明目消瘡毒手足筋掣味辛平處處有  
之

海藻海帶一般疝氣癭瘤同有效水萍雖分三種熱風隱疹並  
權衡

海藻洗去鹹水焙乾用味苦鹹寒无毒●水萍有三種止渴  
治火瘡通小便消水氣味辛鹹寒无毒

艾葉可生可熟瀰血安胎嘔吐衄紅還可止●阿魏有真有假  
殺虫破積傳屍亦可保天年

艾葉處處有之味苦温无毒生者治下痢止吐血取汁用之  
熟者治瀰血可爲丸灸百病●阿魏味辛平无毒難得真者  
氣極臭而能止臭氣

敗醬婦人產後用酸漿催產易於生

敗漿味苦鹹平无毒因作敗腐豆漿氣故名敗醬陳良甫作

婦人科方說是苦薺菜仲景方治腹癰●酸漿味酸平寒无

毒處處有之即酸醬艸也主熱除煩通淋止崩產難胎衣不

下者若吞其實即出

茴香治霍亂轉筋更通腎氣昆布消癭瘤結硬水腫為先

茴香一名懷香子味辛平无毒開胃調中得酒良●昆布味

鹹酸性冷寒无毒與海藻同科治癭瘤

百部除肺熱久年勞嗽天麻逐諸風濕痺拘攣

百部味苦微寒无毒治疥癬去風●天麻味辛平无毒益氣

强筋苗名赤箭

牡丹可行經下血地榆止血痢宜然

牡丹味辛苦寒無毒止痛除邪氣療驚癇中風續筋補骨破  
癰○地榆味苦甘酸微寒無毒惡麥門冬止痛排膿治金瘡  
女人帶下良

香附縮砂消食化氣煖胃溫脾皆婦人要藥狗脊萆薢抉老補  
虛脚疼脚弱與濕痺牽纏

香附子卽莎草根味甘微寒充毒處處有之○縮砂去皮取  
仁用味辛溫無毒止瀉痢炒過除妊娠婦腹痛○狗脊味苦  
甘平微溫無毒○萆薢川中者爲道地味苦甘平無毒

紅花本行血白蘚瘡疥利便

紅花本草作紅蕊花味辛溫無毒主產後血暈昏迷可作咽  
脂治小兒疔耳○白蘚皮味苦鹹寒無毒除疽通淋主風癱  
手足不舉調經水療陰痛

風寒溫痺腎冷與遺精當知石龍芮勞熱骨蒸兼兒疳驚痢須用胡黃連

石龍芮味苦平無毒畏蛇蛻茱萸平胃氣主關節不通○胡黃連味苦平無毒折斷起烟壅者是

白茅花能止吐衄血玄胡索可截腹心疼

白茅根味甘寒無毒處處有之通血除煩渴治淋利小便花止吐衄血茅針搗傳金瘡良○玄胡索味辛溫無毒治女人月水不下行腎氣

甘松青俗體合香專辟惡氣使君子乃醫虫藥疳瀉於仙

甘松味甘溫無毒下氣治心腹痛○使君子用熱灰中和壳炮去皮壳取肉用味甘溫無毒因郭使君用此因名使君子

斯迺稱爲中品是誠探鉤玄

草部下

因知性甘大熱附子烏雄可回陽而逐冷祛風濕而建中

附子團圓平正重一兩以上者佳主心腹冷痛攻欬逆破癥  
結墮胎止痢除風寒濕痺強陰道○烏頭與附子同種以原  
種之母爲烏頭破積除寒溼及中風邪惡風墮胎攻腹痛消  
積飲○天雄似附子但廣身長三四寸許有鬚性烈一如烏  
附逐痺除風助陽○附子烏雄味並辛甘溫大熱有毒出三  
建故名建中

半夏止吐去痰有毒必須姜製大黃通腸滌熱快駿因號將軍  
半夏味辛平生微寒熱溫並有毒五月夏至生故名半夏健  
脾止嘔去痰涎熟令病除生令人吐合生姜和煎方制其毒  
○大黃味苦寒無毒黃芩爲之使無所畏宣氣消癰除結熱



通瘀血蕩燥屎推舊致新性至快

木賊青箱開眼翳羊蹄鶴虱殺三虫

木賊味甘微苦无毒攻積塊腸風下痢止女人赤白崩

青箱子味苦微寒无毒即白雞冠花子主皮膚熱瀉肝熱去  
風除蜜攪殺虫○羊蹄俗呼爲禿菜根味苦寒无毒攻疥癬  
治女人陰蝕瘡痔殺諸虫○鶴虱味苦寒有毒即火杖艸主  
蛔虫咬心痛

與甘艸相刑甘遂能消腫破癥大戟通利水道兼除虫毒與烏  
頭相反白斂治腸風癰腫白芨破癰疽并合跟韌

甘遂大戟味並苦甘寒有毒治病之功不相上下故並反甘  
草○白斂與白芨味並苦辛甘平无毒同反烏頭療疾大同

小異

風攻皮膚羊躑躅熱主嗽喘馬兜鈴

羊躑躅味辛有毒羊誤食其苗葉則躑躅而死故得名消虫  
毒攻諸痺賊風○馬兜鈴味苦寒無毒治肺熱咳嗽喘促兼  
瘦瘡血痔其根名土木香又曰青木香結子如鈴狀故名兜

鈴

劉寄奴破血行經金瘡最妙續隨子消癥蕩滯虫毒尤攻

劉寄奴味苦溫治湯火傷及金瘡最妙因劉裕小名寄奴取  
此草以療金瘡得效故名○續隨子卽聯步味辛溫有毒最  
治蛇傷

祛風逐痰白附子刮磨腸垢白頭翁

白附子味甘平溫無毒能行藥勢主心疼腹痛○白頭翁處  
處有之謂之老翁鬚根有白茸故名之仲景以此端治溫瘧

又治金瘡衄血

何首烏久服延年可消瘡腫骨碎補折傷克效及耳鳴聾

何首烏味苦澆微溫無毒昔有老人姓何見藤夜交遂採其

根食之白髮變黑因此名之○骨碎補味苦溫無毒一名猿

孫姜根生緣樹上能補骨碎折傷因名之

瀉肺消痰下水去浮葶藶子通經散腫開喉明目射干功

葶藶味辛苦寒無毒生道旁處處有之有甜苦二種○射干

味苦平微溫無毒一名烏扇俗曰仙人掌

常山吐涎截瘧葶藶止搐攔風

常山味苦辛有毒形如雞骨者佳苗名蜀漆○葶藶子處處

有之味苦辛有毒一名天仙子雖云有毒得甘艸升麻即解

連翹除心熱破癭瘰堪行月水桔梗瀉肺癰清喉痛止嗽寬胸

連翹味苦平無毒分大小二種利小便治癰疽發背○桔  
梗味辛苦微寒有小毒又有一種名苦梗藥性相同

海金沙用日中收攻傷寒熱病穀精艸從田中採破翳膜遮睛  
一海金沙俗名竹園萎處處有之收金法以紙觀之日中晒熱  
以枝擊之其枝葉自然有沙落紙上旋收之端利小便得蓬  
砂梔子馬牙硝最良○穀精草一名穀槌草又曰帶星草生  
田中味辛溫無毒治咽喉痺止齒痛

紫河車即蚤休癰瘡至聖商陸根名樟柳退腫之宗

紫河車名金線重樓味苦微寒無毒主治癰疽驚熱○商陸  
味辛酸平有毒赤白二種白者消水腫根如人形者有神赤  
者不入藥

藜蘆爲瘡疥之藥貫衆殺寸白諸虫

藜蘆 味辛苦寒有毒俗名山稷反細辛芍藥可吐風痰不入  
湯藥 耑主疥蟲瘡瘍○貫衆 味苦微寒有毒治金瘡破癥結

止鼻紅

草蒿一 本作青蒿滅骨蒸勞熱旋覆花艸名金沸鈍痰嗽之鋒

草蒿 味苦寒無毒處處有之根苗子葉皆入藥但各自有用

用子 勿用葉用根勿用苗四者若齊用則有損無益得童便

浸尤 良亦可煎湯洗瘡除疥蝨○旋覆花 味鹹甘溫微冷有

小毒 通膀胱水去風溼止嘔

草麻子 善主催生搗膏敷脚版威靈仙能消骨鯁熬汁灌喉嚨

草麻 子味甘辛有小毒瘡癢研榨油搽敷水癥研服良○威

靈仙 味苦溫無毒主宣氣去令消痰療折傷治諸風

馬鞭艸 能通月水不行破癥瘕之癖葫蘆巴好補元陽腎冷蠲

疝氣之瘵

馬鞭 艸味甘苦寒有小毒其艸穗類鞭稍因名之俗謂之鉄

掃帚 治温蟻陰瘡○葫蘆巴得茴香桃仁同用逐膀胱疝氣

得硫 黃附子同用揣補腎經

萱艸 治淋孕帶其花生男子燈心去熱燒灰善止夜啼童

萱艸 一名鹿葱其性涼而无毒處處有之孕婦佩帶其花即

生男子故又名宜男草○燈心性涼破傷處搗敷良

山豆根 療咽痛頭瘡五痔金星草治丹毒發背諸癰

山豆根 味甘寒无毒消腫毒止熱嗽○金星草至冬時則皆

有黃星點點成行味苦寒无毒解硫黃毒

狼毒 驅九種心痛稀蒼掃溼痺諸風

狼毒 味辛平有大毒陸而沉水者良主咳逆治虫疽癰結痰

○稀莨卽火秋草味苦寒有小毒形似鶴虱昔有知州張詠嘗進此方治諸風

夏枯草最治頭瘡癩癭癭瘤同可覓天南星能下氣風痰腦痛止怔忡

夏枯草至夏卽枯故名味苦辛寒無毒○天南星處處有之味苦辛有毒散血墮胎消癰腫

退腫消風牽牛子第一諸瘡解毒山茨菰最雄

牽牛子炒過用味苦寒有毒處處有之下氣通腸利大小便墮胎毒治腰疼脚痛○山茨菰卽鬼燈檠又名金燈花瘡腫癰疽燥癰消毒良

仙茅伸氣者之脚攣補虛堅骨苧根涼小兒之丹毒安護胎宮仙茅味辛溫無毒治虛勞逐冷氣益陽堅骨生長精神○茅

根補血安胎止渴兼小兒丹毒

茵芋理熱似瘧屋遊斷衄之蹤

茵芋味苦温有毒止心腹痛通關節主風寒濕痺○屋遊卽

瓦上青苔味苦寒无毒逐膀胱水止皮膚寒熱

本草編成斯賦發醫家初學童蒙

雷公藥性賦卷之三終

雷公藥性賦卷之三終 下





本草綱目其加益醫案 附錄本草

下土青苔水煎服天黃 滋潤補水車以煎成糖

尚子其苦益存責其心 煎油無關齒生加藥為丸。其潤則

苗草則滋以藥製成糖驗 文難辨

味鹹而安即土所產少 故以清

珍珠囊指掌補遺藥性賦卷之四

東垣李 杲明之編輯

吳門王子接晉三重訂

木部

豈不以勞傷須桂肉斂汗用桂枝俱可行經破癖炒過免墮胎  
兒

桂味甘辛大熱有小毒得人參熟地黃紫石英良畏生葱  
五痔傷風稱槐角瘡瘍殺疥羨松脂

槐角實味酸鹹寒无毒今處處有之除熱氣主火燒瘡皮灌  
漱風疳齒○松脂味苦甘温无毒處處有之道家服餌輕身  
延年○松脂味甘温无毒可供果品葉與根白皮味苦温无  
毒主辟穀不飢●松節温治歷節風

栝葉止血吐崩要安臟鎮驚去殼取仁於栝子枸杞益陽明目退虛勞寒熱須用其根地骨皮

栝葉味苦微溫無毒四時各依方向採取陰乾用栝白皮主火燒爛瘡○枸杞味苦寒根大寒子微寒無毒處處有唯臬州出者佳

茯苓有赤白二種赤者通利小便白者可補虛定悸乾漆有生熟兩般生則損人腸胃炒熟通月水愈期

茯苓味甘平無毒多年松根之氣薰灼而生有赤白二種並除寒熱止渴消痰而赤者尚主利小便分水穀白者尚補虛定悸○乾漆味辛溫有毒須炒熟用則無毒去癥續骨殺虫除心氣血痛

茯神則健志收驚開心益智琥珀則鎮心定魄淋病偏宜茯神

則茯苓抱根所生者用須去心中木味甘平元毒多益心脾  
主風虛○琥珀味甘平无毒是松脂入地中多年則化成

職掌虛煩斂汗必須酸棗性行通利消浮當用榆皮酸棗仁味  
酸平無毒安五臟除風痺能堅骨補中寧心定志○榆皮味  
甘平无毒性滑通行大小便消浮腫治小兒白禿下婦入胎  
元

攻赤目清頭風堅齒輕身蔓荆子斂金瘡除腰痛治風桑上寄  
生枝

蔓荆子味苦辛微寒温无毒通竅闕去寸白虫除筋骨中寒  
熱○桑寄生一名寓木味苦甘平无毒并治崩中補內傷胎  
前產後皆宜用

瀉痢有功訶梨勒同名訶子頭眩鼻塞木筆花乃是辛夷訶子

味苦温无毒開胃進食清痰治崩漏及腸風下血兼主賁豚  
冷氣○辛夷味苦辛无毒處處有之南人謂之迎春木久服  
輕身奈老二月開花色白帶紫花落无子至夏復開花出初  
如筆故北人呼爲木筆花主頭眩鼻塞最良

烏藥主寬膨順氣沒藥主跌脚金瘡血氣相攻諸疼共理  
秦椒能明目通喉蜀椒能瀉精止癰温中下氣風痺同醫

烏藥味辛温无毒處處有唯天台產者爲勝俗名旁箕主心  
腹痛補中益氣攻翻胃利小便○沒藥味苦平无毒按徐表  
南州記生波斯國是彼處松脂也破血止痛爲產後最宜推  
陳致新理內傷良○秦椒味辛生温熟寒有毒攻腹痛治風  
邪温中除痺酸煎灌漱牙疼○蜀椒去閉口者味辛大熱有  
毒出成都逐冷風核名椒目利水道

牙痛乳癰求莽艸腸風崩帶索櫻櫚

莽艸爲臣性有毒味辛溫善開喉痺理諸瘡燥癩○櫻櫚性平無毒止痢養血消鼻洪用燒存性入藥

巴豆破結宣腸理心膨水脹芫花消浮逐水繫瘤痔當知

巴豆味辛溫生溫熟寒有毒生巴郡故名巴豆性急通利因名江子用去皮心膜及油然後可畏大黃黃連○芫花味辛苦溫有小毒治咳逆喉鳴痰唾腰腹心痛

木螫治瘡瘍腰痛有准雷丸殺三虫寸白無疑

木螫子其形似螫故名味甘溫無毒治乳癰肚門腫兼折傷○雷丸味苦鹹寒有小毒白者良赤者有毒能殺人

養腎除風石楠葉漱牙洗目海桐皮

石楠葉味辛苦平有毒利皮毛筋骨病○海桐皮味苦平無

毒主痢除疥蝨治風痺痛

牡荊子酒雷敷乳腫郁李仁蕩浮腫四肢

牡荊子味苦辛无毒卽黃荊今官司用作笞杖處處有之主  
頭風目眩○郁李仁味酸平无毒俗名唐棣通關格去浮腫  
根皮治齒痛風蛀

密蒙花總皆眼科之要領蘇方木耑調產後之血迷

密蒙花味甘平微寒无毒○蘇方木味甘酸平无毒耑能破  
血消癰及撲損

楮實補虛明眼目葉洗癩風樹生塗癬疥竹皮刮下正嘔吐葉  
解煩燥燒瀝禦風痰

楮實味甘寒无毒王塗水腫及陰痿不起○竹皮多種取皮  
止嘔吐者南人呼爲江南竹味辛平甘寒无毒肉薄今人取

作竹瀝者又謂之淡竹其葉解煩除咳逆今方中用淡竹葉  
又是一種叢小葉柔微有毛其根生子如麥門冬

檮白皮止痢斷疳棄汁洗瘡除疥蝨胡桐泪殺風牙蛙脚膨脹  
滿吐堪施

檮白皮與椿白皮性同良但檮木臭椿木香味苦有毒檮木  
根葉俱良南北皆有之兩木最爲无鬼俗呼作虎目樹○胡  
桐泪味鹹寒无毒形似黃礬得水便消如硝石也

結胸散痞寬膨逐水調風宜枳壳煩悶通淋解熱赤脾黃疽用

山梔

枳壳味苦酸微寒无毒能攻痔漏消癰癖○山梔味苦寒无  
毒生于山間者爲山梔人家園圃種蒔者爲黃梔形肥壯可  
染物惟緊小者爲山梔方可入藥



檳榔攻脚氣殺三虫宜通臟腑厚朴乃温中除霍亂膨脹堪調  
檳榔味辛温无毒生海南向日曰檳榔形尖如雞心者良向  
陰曰大腹子平坐如饅頭檳榔下氣除風宜利臟腑逐水消  
痰破結○厚朴去粗皮姜汁炒過味苦温无毒須用中厚有  
紫油者佳通經下氣厚腸胃消穀食安腹中虫

猪苓消渴利澁治傷寒中暑龍腦清頭明目主驚搐小兒

猪苓味甘苦平无毒在土底皮黑作塊似猪糞故名治咳瘧  
消腫利水止遺精○龍腦味辛苦微寒一云温平无毒其名  
透頂攻耳聾消風氣通九竅卽梅花片腦若服餌過多至一  
兩許則身冷如醉氣絕而非中毒蓋性寒故也

明目涼肝解熱毋遺黃蘗磨臍下浮行經休缺紫葳

黃蘗俗名黃栢味苦寒无毒除血氣去黃疸治癰瘡祛脾胃

熱治女人熱崩○紫葳花一名凌霄花味鹹微寒无毒處處有之治風熱毒及癩症

杜仲堅筋補損傷兼王腎虛腰脊痛衛茅殺鬼決經閉陰人崩帶也能驚

杜仲味辛甘平无毒折斷多白絲用姜汁和炒去絲良除風冷強心志○衛茅卽鬼箭羽味苦寒无毒攻腹癥結

癰腫癥瘕憑虎杖殺虫祇痔問燕夷

虎杖俗名班杖根微温味甘平无毒治傷損消瘡毒○燕夷辛平无毒逐冷除心痛兼治皮膚骨節風殺疥虫治癬攻腸風

蕤仁搗膏點眼科輒除熱赤皂莢爲末搐鼻嚏應釋妖迷

蕤仁味甘温微寒无毒通結氣鼻紅○皂莢味辛鹹温有小

毒亦有數種或長至一二尺者唯如猪牙者良消痰除嗽塗  
腫痛去頭風

沒石子主痢生肌染烏黑鬚髮益智子瀦精益氣止小便多遺  
沒石子卽无食子味苦温无毒出西番用有破者良治陰瘡  
陰汗○益智子味辛温无毒安神定志故謂之益智

川鍊子號金鈴冷氣膀胱能作主五倍子名文蛤腸氣五痔效  
端殊

川鍊子味苦寒有小毒處處有之蜀中者良根皮最殺蛇虫  
○五倍子味酸平无毒除齒蠶及瘡膿亦可洗眼去

吳茱萸下氣消痰提轉筋霍亂山茱萸添精補腎治風痺无凝  
吳茱萸味辛温大熱有小毒處處有之除咳逆逐邪風主脚  
氣攻心○山茱萸一名石棗味酸平微温无毒療耳聾調女

人月水

桑白皮瀉肺補虛益氣大腹皮通腸健胃開脾

桑白皮味甘寒無毒卽桑樹根皮利水道消浮腫殺寸白虫  
○大腹皮卽栝榔大腹子之皮微溫無毒耑下氣分冷熱攻  
心痛

金櫻子冬青子養精益腎輕身調和五藏蘇合香安息香辟惡  
去虫殺鬼虫毒消除

金櫻子味酸瀋平溫無毒採實搗汁熬膏久服輕身奈老○  
冬青子又名女貞實味苦平無毒油病與金櫻子同功○蘇  
合香味甘溫無毒泔能辟惡除溫瘧久服令人不生夢○安  
息香味辛苦平無毒辟邪煖腎止遺泄

秦皮洗眼磨昏男子添精婦人收帶下黃蘗通喉豁痺蛇傷取

效醫馬是神樞

秦皮味苦寒无毒治風寒濕痺○黃蘗味苦平无毒治惡腫  
苦菜主頭疼痢生腹痛同姜煎服○鈎藤蠲瘳癰見生客忤勝  
禱神祇

苦菜卽茶茗味甘苦微寒无毒除痰下氣消宿食○鈎藤味  
甘苦平微寒无毒其形如鈎故得名舒筋活血

止痛生肌麒麟竭舒筋展痺五加皮

麒麟竭一名血竭味鹹平无毒除血暈○五加皮味辛苦温  
微寒无毒治風寒濕痺止心痛益精神通疝氣治陰瘡小兒  
幼小不能行服之良

丁香下氣湯中能益脾止痛沉香調中順氣療痛絞心腹

丁香味辛温无毒散腫除風更治牙痛風牙○沉香味辛温

无毒療腫除風去水止霍亂轉筋壯元陽辟惡氣

檀香霍香止霍亂吐嘔痛連心腹乳香楓香消風止痛瘡毒

流離

檀香性熱无毒消風腫腎氣攻心○霍香味辛微温去惡消

腫治吐逆○乳香味辛熱无毒辟惡除邪補精益腎治諸瘡

攻血氣○楓香楓樹脂即白膠香也治癰瘰風擦齒痛去虛

浮水氣味辛平微有毒

竺黃理天弔止驚風夏會清心明目胡椒能下氣逐風冷兼除

霍亂昏迷

天竺黃味甘寒无毒生天竺國改名○胡椒味辛温无毒去

痰止痢治心腹卒然作痛

此木部之藥性為後學之繩規

人部

看方猶看律意在精詳用藥如用兵機毋輕發草木之性既陳  
人物猶宜立訣

律法度也齊之以刑用藥猶用兵謂醫者乃人之司命

天靈蓋最主傳尸久病虛勞熱蒸在骨

天靈蓋乃死人頂骨十字解者此骨是天生蓋壓一身之骨  
節陽人用陰陰人用陽味鹹平无毒主傳尸鬼注人

熱病乃陽毒發狂當求人糞汁打撲損傷并新產快索童男溺  
人糞一名人黃性寒无毒專治天行大熱勞氣骨蒸燒末水  
服解諸毒為末湯調治熱病發狂絞糞汁飲之○童子溺童  
子小便也女子者不宜用主寒熱虛勞頭疼濕氣

乳汁有點眼之功禳福救陰陽之易

婦人乳汁味甘平元毒能安五臟悅皮膚昔張倉嘗服享壽百餘年衍義云乳汁治眼之功何多蓋人心主血肝藏血肝受血則能視婦人之血上爲乳汁下爲月水用以治目不亦宜乎○視襠卽視襠之當陰處剪取方圓六七寸許燒爲末服男子新病瘥而婦人與之交則男病陰易女人病新瘥而男子與之交則女病陽易小腹絞痛攣手足日中生花頭重不能舉若不急治則死男子病用婦人視襠女人病用男子視襠以水調服

調諸淋破瘀血亂髮元來卽血餘止唾衄理肺痿凝垢便是人中白

血餘乃常人亂髮燒灰味苦微溫元毒治癰疽及轉胞○人中白卽尿桶中澄底垢積之結白者火上燒灰最治緊唇及



勞執傳尸

圖經衍義无虛醫補可知端的

禽獸部

蓋言走者屬獸飛者屬禽

禽屬陽身輕故能飛而上獸屬陰身重故能走不能上飛

鹿角煎膠補瘦羸又安胎止痛麝香辟邪而通竅安客忤癇驚

鹿角味苦辛依法煎煉成膠及霜入藥用止泄精遺尿○麝

香味辛温无毒攻風疰墮胎救產難

定魄安魂牛黃治風癇驚熱生肌止汗龍骨攻洩痢遺精

牛黃味苦平有小毒除狂躁治天行○龍骨味甘平微温无

毒治女子崩止小便遺瀝療陰瘡龍齒鎮驚治癲癇

牛乳補諸虛益氣通腸須求羊駝獺肝開熱脹傳尸勞嗽有驗

堪憑

牛乳味微寒性平无毒止渴○獺肝爲君味辛温有毒凡人素有冷氣虚膨者此二味皆不宜服

象牙出肉中之刺熊胆醫痔痢之靈

象牙味甘平无毒生者汁飲之利小便燒末止遺精磨屑傅肉中刺凡骨鯁者磨水服卽下更祛勞熱止風癩○熊胆味苦寒无毒然難分真偽取一粟許滴水中一道如線不散者爲真治天行熱疽諸疔惡防風地黃

羚羊角明目去風可保驚狂心錯亂膈胸臍温中補腎何憂夢與鬼交情

羚羊角味鹹苦寒无毒可活胎易產益氣安心辟邪○膈胸臍味鹹性熱无毒主驚癇消宿血除疔瘕氣

阿膠止血安胎兼除嗽痢犀角涼心解毒殺鬼聞名

阿膠味甘平微温无毒出阿縣城北井水煮取烏驢皮以阿

井水煎成膠為真須用一片鹿角同煮不爾不能成膠也養

肝虛勞極止四肢酸疼○犀角味苦酸鹹寒无毒驅風明目

除心熱狂言又治時行疫癘

鹿茸益氣補虛男治洩精女止崩漏虎骨驅邪辟惡男去風毒

女保胎驚

鹿茸用茄形連頭骨者味甘酸温无毒一云味苦辛○虎骨

性平味辛微熱无毒治惡瘡及風痺拘攣

兔頭骨主頭疼和水燒灰催產難牛角腮治崩帶燒灰入藥效

如神

兔頭骨味甘平寒无毒治頭昏痛兔骨治熱中消渴肉不可

多食損火陽氣孕婦食兔肉生子缺唇不可與雞肉及生姜同食○牛角腮味苦甘无毒消血閉便血攻冷痢  
瓦雀肉則益氣塲則強陰白丁香可潰癰瘰目雉雞鳥者補中赤者止血黃脰脰止遺尿難禁

瓦雀肉味甘温无毒雀糞直立者名白丁香○雉雞肉微温无毒鳥者補中止痛赤者止血治崩諸雄雞胆微寒主目不明心主五邪血主損傷肋主耳聾腸主小便數不禁肝及左翅毛主陰痿不起冠血能行乳汁

蝙蝠經名伏翼能開黑暗青膜

伏翼卽蝙蝠別名味鹹无毒主淋目昏久服則忘憂糞名夜明砂可治疳

藥是伐病之斤醫實司人之命

言醫藥之治病猶斧斤之伐木也

蟲魚部

抑又聞蠹者爲虫潛者爲魚堪行入藥貴賤何拘

蠹動也潛澄藏也

全蝎有毒須當去能透耳聾耳癢諸風驚馬搐蟹螯熟炒不宜生通淋墮孕宜癯痢之瘋

全蝎宜緊小者佳味甘辛須去毒方可用○蟹螯去足翅以米同炒至米黃色去米若生尸卽令人吐瀉味辛寒有大毒

消水氣去癭瘤無如海蛤安心志磨翳障大喜珍珠

海蛤味苦鹹平无毒治浮腫除咳逆定喘消煩○珍珠味寒

无毒出廉州主潤澤皮膚悅人顏色綿包塞耳治聾

水蛭吮癰疽通經破血田螺去目熱反胃堪除

水蛭卽螞蝗蟻生水巾名水蛭生草中名草蛭生泥中名泥  
蛭並能着人及牛馬股脛間啞血入藥當用水蛭之小者佳  
此物極難得死雖炙過經年得水猶可活必炒令極黃熟不  
爾入人腹生子爲害○田螺性大寒无毒不可多食其肉傳  
熱瘡壳主翻胃汁能醒酒止渴田中取者爲佳

鼠婦通月閉利便癰伸景將來醫久瘡蝨虫破堅癥磨血積傷  
寒方內不曾无

鼠婦味酸温无毒生人家地上處處有之○蝨虫名土蟹味  
鹹寒有毒處處有之

搜痰癭驚風明目催生稱蛇蛻止嘔斜口眼墮胎點翳捉衣魚  
蛇蛻味鹹苦平无毒主纏喉風攻頭瘡癭癧○衣魚味鹹温

无毒今處處有之多見于書卷中小兒淋閉用以摩臍及小  
腹溺閉通仍可摩瘡

出前頭入肉醫附骨鼠瘦蟻蝦便是推車客補打撲損傷療兒  
疳昏眼蝦墓本艸卽蟾蜍

蟻蝦味鹹寒有毒療兒驚癎瘖風癩臨用當炙過勿置水中  
冷人吐入藥去足翅○蝦蟆肉味辛寒无毒主邪氣堅癥惡  
瘡鼠漏

殺伏尸鬼疰三虫地龍俗名蚯蚓正風賊料啞脫肛蝸牛本是  
蛙蜎

地龍味苦无毒須用白頭者良傷寒狂熱須用汁治痢消丹  
毒用糞○蝸牛俗名螟螺處處有之生炒石垣墻下濕處亦  
治背疽用涎塗抹

蟻螬點眼翳雜科割金瘡出肉中刺蛤蚧傳尸堪止嗽兼補肺

邪鬼咸驅

蟻螬味鹹甘无毒處處有之以背行反馱於脚卽諸朽木中  
蠹虫但潔白者佳○蛤蚧一名守宮功力全在尾梢人捕之  
卽自咬斷其尾用以法取之行常一雌一雄相隨入藥亦當  
用成對者良

牡蠣固漏血遺精補虛主汗蟲虫破癥瘕血積經閉通渠

牡蠣味酸平微寒无毒主瘡疾寒熱除驚恐○蠹虫味苦温  
寒有毒啞食牛馬背血者用須炒熟除去足翅方可入藥

鰻魚退勞熱骨蒸殺虫愈痔石龍子除熱淋止血蜥蜴殊途

鰻魚味甘有毒處處有之雖有毒而能補五臟虛損消項

顛白駁風熱煨骨熏蚊蝨則滅○石龍子與蜥蜴蝮蛇蝮



守宮五種相近

烏賊骨是海蝶蛸退翳殺虫治崩攻痢鯨鯉鱗爲穿山甲甚醫  
瘡癬鬼魅遭鋤

海蝶蛸味鹹微溫無毒療陰瘡治耳聾其血似墨能吸波噴  
墨以瀾水所以自衛有八足聚生口旁淨泛於水面烏見謂  
其必死欲啄之則聚足抱烏拖入水中食之故名烏賊魚○  
穿山甲性涼有毒主邪驚治痺

勞熱骨蒸尊鼈甲脫肛狐臭尙蜘蛛

鼈甲味鹹平無毒處處有之治崩療瘡主癥痕疔癰不可與  
雞子同食合莧菜食則傷人○蜘蛛性冷無毒處處有之然  
多種身有毛刺及五色并薄小者並不可用療厯背瘡蛀牙  
兼治口斜喎僻喜忘者取網著衣領中

蟬退消風斷小兒夜哭之鬼蝟皮主痔提腸風下血之徒

蟬退味鹹甘寒无毒亦治婦產難小兒驚癇○蝟皮味苦甘

无毒治疝氣陰蝕瘡

鯉魚寬胎脹骨止赤白之崩胆抹青盲赤目蠓主熱結胸黃能  
化漆爲水血燒集鼠招駒

鯉魚味苦甘寒无毒止渴消腫腹有癥瘕之人不可食○蠓

味鹹寒有毒爪能破血墮胎

鯽治腸風下血宜作鱠又宜作羹治痢无分赤白蛙能破損祛  
勞一種水雞爲美饌嵒裨產婦之虛

鯽味甘温无毒燒灰治諸瘡補胃和中○蛙味甘寒无毒殺

疰邪

蜈蚣開小兒口禁墮孕婦之胎制蛇毒土狗催產難之生菴肉

富公藥性類卷四  
中之刺退腫須臾

蜈蚣味辛溫有毒用當炒熟主殺三虫生則令人吐血不堪  
入湯藥○土狗卽蜈蚣味鹹寒有毒處處有之下腫利大小  
便解毒潰癰

石決明瀉肝黑障青盲終可決桑螵蛸補腎洩精遺溺竟无虞  
石決明味鹹平涼无毒除肺經風熱○桑螵蛸味鹹甘平无  
毒卽螳蜋子也用炒黃色不爾令人洩瀉

原蚕蛾主洩精好強陰道白殭蚕治諸風口禁難呼

蚕蛾雄者有小毒炒去翅足補腎療血風痺風癰瘰用蚕炒  
○殭蚕炒去絲嘴味鹹平辛无毒療驚癇崩漏病又除口禁  
及喉風

白花蛇主諸風濕痺拘攣兼疥癩五靈脂行經閉昏迷產婦早

來沾

白花蛇味甘温鹹有毒主 諸風疔斜口眼并大風瘡與烏梢  
蛇同功○五靈脂即寒號 虫糞也治腸風并冷氣炒之治崩  
着意要行斯道潛心細下工天

果品部

且如果品數端亦分優劣

以果品言之如柿有數種 紅者只可生噉烏者可焙乾入藥  
用其蒂功力且優白者力 薄而功亦劣

入藥當知刑反忌宜性情要 辨苦甘冷熱

大棗與生薑相刑不宜合 食烏梅與黃精相反豈可同餐如

桃杏有雙仁者毒能殺人 安石榴味酸者方可入藥苦甘者

不宜多食主損齒傷肺又 如橘味辛温柚味苦冷棗味甘熱

雷公藥性賦卷四  
柿味甘寒之類

橘皮則理氣寬中消痰止咳更可止嘔定吐大棗則養脾扶胃助藥成功又能補氣調脉

陳皮味辛温無毒主温脾胃青者吸積聚○大棗味甘平温無毒

雞豆肉名爲芡實輕身長志好止腰疼覆盆子卽是蓬蘽益氣強陰養精最烈

芡實味甘平無毒補中治痺煎和金櫻子最益人○覆盆子味酸平鹹無毒處處有之補中益腎調和臟腑治風虛損

柿乾止痢瀉腸生宜解酒渴止嘔須教用蒂良梨實除煩引飲漿可吐風痰乳婦金瘡如仇賊

柿乾味甘寒無毒最潤喉通耳鼻○黎實味甘微酸温無毒

可止嗽不宜多食主成冷痢乳婦金瘡尤不可食

橄欖止渴生津口唇乾燥研傅核中仁石榴舒筋止痢去腹中虫根皮煎汁服

橄欖味酸甘溫無毒消酒毒○安石榴味甘酸無毒殼入藥治筋攣脚痛攻痢良

藕實止痢補心垣節除嘔衄葉堪止渴安胎桃仁通經破癥結仍輟腰疼花主下痢膿血

藕味甘平寒無毒處處有○桃仁去皮尖味苦甘平無毒其花通利大小便

杏仁不用雙仁通腸潤肺治欬清音烏梅卽是梅實止渴化痰痢中莫缺

杏仁去皮尖及雙仁者味酸甘無毒治驚癇腹痺及產乳金

瘡○烏梅味酸平无毒下氣調中止渴治骨蒸勞熱

宜木瓜治霍亂轉筋調理脚氣濕痺伸舒枇杷葉能止嘔和胃

喘掃肺氣功全口渴

木瓜味酸温无毒消腫強筋骨止渴并脚氣攻心○枇杷葉

用布拭去毛灸用味苦平无毒主肺風

胡桃肉肥肌潤肉撲傷和酒搗來嘗艸果仁益氣温中好伴常

山攻瘡發

胡桃肉味甘平无毒去痔瘡消痺癰○草果仁味辛温无毒

温脾胃消宿食解酒毒攻冷氣

若能熟此作筌蹄可洗下工之漏拙

米穀部

精明米穀豆麥粟麻雖民生之日用充藥料于醫家

穀八脚豆入腎麥入肝粟入肺麻入心

粳米溫中和胃秫米能解漆瘡止渴除煩須陳蒼米黃豆殺鬼  
辟邪黑豆乃堪入藥若問黃卷便是豆芽

米味甘溫無毒粳卽常時所食之米秫卽造酒之糯米其種  
數甚多不可盡述王除煩斷痢○豆惟黑者入藥宜炒熟用  
味甘平無毒其他俱不堪用

祛胃熱養腎虛通利小腸米粟可長生填精髓巨勝子卽胡麻  
粟味鹹微寒無毒治消中○巨勝子久服之可長生不老利  
大小腸堅筋快產主心驚味甘平無毒處處有之卽黑麻子  
赤小豆消水腫虛浮研塗癰疽消熱毒白菡豆治筋轉霍亂葉  
傳蛇虫咬最佳

赤小豆炒過用味甘平酸無毒治消渴攻脚氣○白菡豆味



甘微寒无毒消暑解毒下氣和中

小麥止汗養肝堪除燥熱大麥主飢消渴長胃榮華

大小麥味甘微寒无毒

麥蘖入藥湯真個温中可知消食麥麩若調醋傅撲損處愈後  
無瑕

麥蘖即麥芽也麩皮也

去丹風解一切之毒霍亂吐翻取粉于菜豆除浮疽吐一切痰  
涎閉胸膈病摘帶于甜瓜

菜豆味甘寒无毒除熱氣主頭疼目暗○甜瓜味苦寒有毒  
處處有之帶入藥瓜有赤白二種入藥當用赤者

言之有準用之無差

流菜部

既以言之五穀又當取用蔬菜葱韭頭疼堪發散通大小腸白  
可安胎止痛韭補腎益元陽溫中下氣子收夢洩遺精

葱味辛溫無毒○韭味辛溫微酸無毒葱韭皆不可多食皆  
人精神又不可與蜜同食

搗汁止頭疼喘嗽風痰菜菔子酒煎噴痘體自然紅潤說胡葵  
菜菔卽蘿蔔也味辛甘無毒根腦及嫩葉俱可食煮熟消食  
和中下氣去痰癖肥健人○胡葵味辛溫無毒消穀通心竅  
補五臟不足利大小便辟邪

白冬瓜去燥煩止渴白芥子寬胸膈痰均

冬瓜味甘溫寒無毒治淋利小便體熱散癰除小腸腫脾用  
子中仁尤良○白芥味辛溫無毒青白紫數種惟芥子粗大  
色白者入藥除冷氣攻反胃治上氣

婦人產難好催生滑臟利泄冬葵子霍亂轉筋心腹痛減煩却暑萎香蒿

冬葵子味甘寒有毒處處有之其子是秋種覆養經冬至春作子故謂之冬葵子除寒熱治疳用根○香蒿味辛微寒无毒下氣除煩熱消腫止渴

發病主虫又敗陽便是芸薹菜生瘡長疔精神損少吃水茄兒芸薹菜味辛温有毒不宜多食敗損陽氣在腹中長虫主破癥瘕通血除丹毒消乳癰○茄子有紫白二種味甘寒性冷不宜多食茄根煎湯洗凍瘡帶燒灰治腸風

婦人惡血能令下濕痺筋掣取豆芽黃卷瘡疥傷寒最得宜血風血暈向荆芥假蘇

大豆黃卷以黑豆大者為芽蘖生便晒乾名黃卷入藥用味

甘平无毒○假蘇卽荆芥味辛温无毒下氣 除勞兼治頭痛  
馬齒莧散血救瘡傅火丹殺虫磨爛剉蘇莧發滿瘡瘍丹風起  
爛搗堪塗

馬齒莧處處有之味酸寒无毒止渴攻血痢磨眼翳利便難

○草薺萋味酸平无毒名雞腸菜

消痰定喘寬膨當求蘇葉風氣頭疼發散切要 芡荷

紫蘇味辛温无毒葉紫色而氣香者佳消痰下氣開胃用葉  
風氣頭疼發散用莖寬喘急治咳嗽用子○芡荷味辛苦温  
无毒發汗消食寬脹除霍亂傷寒可發散

飴糖斂汗建中補虛羸不小神麩養脾進食使胃氣有加

飴糖味甘微温无毒以糯米煮粥候冷入麥蘖澄清再熬成

飴糖以淨器盛貯夏天澄沉井中免令酸諸米可作飴惟糯

米者入藥止渴消痰治嗽○神麩味甘消食下氣

調理產人去瘀生新猶用醋通行血脉助添藥勢酒同途

醋一名苦酒治癰除癥酒味苦甘辛大熱有毒辟惡除邪破

癥結

香豉本食中之物醫傷寒切不可无

淡豆豉味苦寒无毒治頭痛發汗止痢解熱以酒浸爛患脚

傳之良

不揣愚衷而作賦是爲藥性之斤珠

揣量度也

雷公藥性賦卷之四終